



COMUN DI CJAMPFUARMIT

Provincie di Udin

Plaçâl dal Municipi, 9 - 33030 Cjampfuarmit (P.I. 00485010300 - C.F. 80004790301)

telefon 0432/653511 - fax 0432/663581

R EGOLAMENT DE IMPUESTE COMUNÂL SUI IMOBII

Al è stât fat bon cu la deliberazion dal Consei Comunâl dai 13/11/98 n. 101, ricognossude tant che cence vizis di legjitimitât inte sentade dai 25/01/1999 - Protocol n. 45431 dal 1998 - n. 662 dal 1999 Regolament Comitât Regjonâl di Control, cun precisazions: "in subordin ae esecutivitât de deliberazion daûr ae note dai 18/01/99 n. 10628 dal 1998" (deliberazion dal Consei Comunâl n. 4 dai 29/01/99, ricognossude tant che cence vizis di legjitimitât inte sentade dal 01/03/99 protocol n. 23082 - n. 1399 dal Consei Comunâl).

Al è stat modificât cu la deliberazion dal Consei Comunâl dai 28/01/2000 n. 4, ricognossude tant che cence vizis di legjitimitât dal Comitât Regjonâl di Control di Udin inte sentade n. 12 dai 20/03/2000 – Regolament dal Comitât Regjonâl di Control n. 1292 - Protocol n.22168.

Al è stât modificât cu la deliberazion dal Consei Comunâl dai 05/12/2003 n. 73.

Al è stat modificât cu la deliberazion dal Consei Comunâl dai 25/01/2005 n. 7 (sintude la Comission Consiliâr pai Regulations che si è dade dongje ai 10 di Zenâr dal 2005).

Al è stât modificât cu la deliberazion dal Consei Comunâl dai 19.03.2007 n. 18, esecutive daûr de Leç (sintude la Comission Consiliâr pai Regulations che si è dade dongje ai 12 di Març dal 2007).

Art. 1

Supuest de impueste

1. Il supuest de impueste al è il possès di fabricâts, di areis fabricabilis e terens agriciui, che si cjatin intal teritori dal Comun, a cualsisei ûs destinâts o che a lôr produzion o scambi e sei direte la ativitât de imprese.

Art. 2

Definizion di fabricâts e areis

1. Ai fins de impueste, daûr dal articol 1 dal regolament presint:

a) par *fabricât* si intint la unitât imobiliâr che e je iscritte o che e devi jessi iscritte intal catastic edilizi urban, considerantsi part integrant dal fabricât la aree ocupade de costruzion e chê che 'nt costituîs pertinence: il fabricât di gnove costruzion al è sogjet ae impueste a partî de date di ultimazion dai lavôrs di costruzion, o ben, se antecedent, de date dulà che, in ogni câs, si è començât a doprâlu;

b) par *aree fabricabil* si intint la aree che si pues doprâ a fin edilizi su la fonde dal strument urbanistic gjenerâl adotât dal Comun, indipendentementri de aprovazion de Regjon e de adozion dai struments atuâtîfs dal midiesim, o ben su la fonde des pussibilitâts efetivis di edificazion che a son determinadis secont i criteris previodûts ai efîets de indenitât di dispropriazion par utilitât publiche.

A vegnin considerâts, in ogni câs, no fabricabilis i terens che a son possedûts e condusûts dai sogjets indicâts intal come 1 dal articol 9 e che a àn ancjemò une utilizazion agri-silvi-pastorâl, midiant l'esercizi di ativitât direte ae coltivazion dal teren, ae silviculture, ae foncs-culture e al arlevament di animâi.

Intal câs di comunion la cualifiche di imprenditôr principâl, tant che e je stade definide dal art. 9 come 1 dal proviodiment presint, e scuén jessi possedude di almancul il 50% dai titolârs.

Il Comun, su domande dal contribuent, al ateste se une aree che si cjate intal propri teritori e je fabricabil su la fonde dai criteris stabilîts de letare presint;

c) par *teren agricul* si intint il teren destinât al esercizi des ativitâts indicadis intal articol 2135 dal Codiç Civîl.

A son considerâts terens agriciui, ma no usufruissin des agjevolazions relativis a tâl cundizion (art. 9 - terens condusûts diretementi), lis areis no fabricabilis, i terens no coltivâts o, in ogni câs, chei che no son destinâts al esercizi des ativitâts indicadis intal articol 2135 dal Codiç Civîl, o pûr i apieçaments che a son coltivâts di sogjets sprovidûts de cualifiche di imprenditôr agricul, cemût che al è precisât intai articui 2082 e 2083 dal Codiç Civîl.

Art. 3

Sogjets passîfs

1. I sogjets passîfs de impueste a son il proprietari dai imobii indicâts intal articol 1, o ben il titolâr dal dirit reâl di usufrut, ûs, abitazion, enfiteusi, superficie, sui istès, ancje se no son residents intal teritori dal Stât o se no àn alì la sede legâl o amministrative o no esercitin alì la ativitât.

2. Pai imobii concedûts in locazion finanziarie sogjet passîf al è il fituâl. Intal câs dai fabricâts indicâts intal articol 5 come 3, il fituâl al assum la cualitât di sogjet passîf a decori dal prin di Zenâr dal an seguitîf a chel dulà che al è stât stipulât il contrat di locazion finanziarie.

3. Intal câs di assegnazion di lozament a riscat o cun pat di vendite future di bande di Istitûts o Agjenziis Publichis la impueste e je dovude dal assegnatari de date di assegnazion.

4. La assegnazion di lozament a favôr dal soci di societâts cooperativis a proprietât dividude e fâs assumi la figure di sogjet passîf de date di assegnazion.

Art.4 Sogjet atîf

1. La impueste e je licuidade, aciertade e scuedude dal Comun, pai imobii indicâts intal articulo 1 dal regolament presint e che a àn une superficie che e insist dal dut o in prevalence sul propri teritori. La impueste no si apliche ai imobii, indicâts intal articulo 1, che il Comun al à in proprietât, o ben a chei dulà che il Comun al è titolâr dai dirits indicâts intal precedent articulo 3 dal regolament presint e dulà che al varès la sogjetivitât passive cuant che la lôr superficie e insist dal dut o in prevalence sul so teritori.

2. In câs di variazion de proprie circoscrizion teritoriâl, ancje se dipendent de istituzion di gnûfs Comuns, si considere sogjet atîf chest Comun se sul so teritori si cjatin i imobii al prin di Zenâr dal an che la impueste e à come riferiment.

Art. 5 Base imponibile

1. La base imponibile de impueste e je il valôr dai imobii indicâts intal articulo 1.

2. Pai fabricâts iscrits intal catastic, il valôr al è dât dal risultât de multiplicazion des renditis catasticâls, in vore al prin di Zenâr dal an di imposizion, pai multiplicadôrs che, in di di vuê, a corispuindin a setantecinc voltis pai terens agrici e a cent voltis pai fabricâts.

3. Pai fabricâts che si puedin classificâ intal grup catasticâl D, che no son iscrits in catastic, che par intâr a son possedûts di impresis e che a son contabilizâts distintementri, fint al an dulà che i midiesims a son iscrits in catastic cun atribuzion di rendite, il valôr al è determinât ae date di inizi di ogni an solâr, o ben, se seguitive, ae date di acquisizion, secont i criteris stabilîts intal penultin periodi dal come 3 dal articulo 7 dal Decret Leç dai 11 di Lui dal 1992, n. 333, convertît, cun modificacions, de Leç dai 8 di Avost dal 1992, n. 359, aplicant i coeficients di azornament stabilîts ogni an dal Ministeri des Financis e publicâts inte Gazete Uficiâl.

In câs di locazion finanziarie il proprietari o il fituâl a puedin començâ la procedure proviodude dal regolament fat bon cul Decret dal Ministeri des Financis dai 19 di Avrîl dal 1994, n. 701, cun consequent determinazion dal valôr dal fabricât su la fonde de rendite proponude, a decori dal prin di Zenâr dal an seguitîf a chel cuant che cheste rendite e je stade segnade intai ats catasticâi, e estension de procedure proviodude intal tierç periodi dal come 1 dal articulo 11; in mancjance di rendite proponude il valôr al è determinât su la fonde des scrituris contabilis dal proprietari, che al è obleât a furnî subit al fituâl ducj i dâts necessaris pal calcul.

4. Il Comun, se al constate la presince di imobii di proprietât private che no son declarâts in catastic, o ben la sussistence di situacions di fat no plui coerents cui classaments catasticâi par intervignudis variaions ediliziis, al domande ai titolârs di dirits reâi su lis unitâts imobiliârs, la presince li dai Uficiis de Agjenzie dal teritori dai ats di azornament. La domande ai contribuentis e scuen vê i elements constatâts, e tra chei, intal câs che e vegni aciertade, ancje la date che si pues riferî ae presentazion mancjade de denuncie catasticâl. Cheste domande e ven notificade ai sogjets interessâts e comunicade ae Agjenzie dal teritori cui estremis de notificazion. De date de notifiche a

tachin i novante dês di timp che il contribuent al à par metisi in regule midiant la presentazion dai ats di azornament. Se cheste domande no ven fate in timp, i Ufiscis Provinciâi dal teritori a providaran ae iscrizion in catastic dal imobil no catasticât, o pûr ae verifiche dal classament des unitâts imobiliârs segnaladis, notificant lis risultancis dal classament e la rendite relative. Chestis ativitâts a son puartadis indenant dai Ufiscis dal teritori cun "cjamis a caric dal interessât".

Lis renditis dal catastic, che a son saltadis fûr de notifiche comunâl in osservance dal come precedent, a produsin efiet fiscâl a començâ dal prin di Zenâr dal an di notifiche de domande dal Comun; cun di plui, in câs che il Comun al verifici ancje la date cuant che il sogjet interessât al varès dovût presentâ i ats di azornament al catastic, i efiet fiscâl si produsin a partî dal prin di Zenâr dal an seguitîf ae date riferide ae mancjade denuncie di variazion al catastic. Chest al è dut in deroghe aes normis in vore che a son relativis ae notifiche de rendite catasticâl, che a stabilissin che "i ats, in ogni câs atributîfs e modificatîfs des renditis dal catastic pai terens e pai fabricâts, a son bogns nome a decori de lôr notificazion".

5. Pes areis fabricabilis, il valôr al è costituît di chel venâl in comun cumierç al prin di Zenâr dal an di imposizion, cun riuart ae zone teritoriâl di ubicazion, ae tabelle di edificabilitât, ae destinazion di ûs permetude, aes cjamis par eventûai lavôrs di adatament dal teren necessaris pe costruzion, ai presîts medis rilevâts sul marcjât de vendite di areis che a àn lis stessis carateristichis.

6. In câs di edificazion de aree, fint ae date di ultimazion dai lavôrs di costruzion, o ben fint a cuant che il fabricât al ven in ogni câs doprât, la base imponibile e je dade nome dal valôr de aree, cence calculâ il valôr dal fabricât che al è in vore di jessi costruît.

7. In câs di demolizion dal fabricât e ricostruzion dal midiesim su la aree di risulte, o pûr in câs di recupar edilizi fat daûr dal articol 31, come 1, letare c, d, e, de Leç dai 5 di Avost dal 1978, n. 457, fint ae date di ultimazion dai lavôrs di ricostruzion, o ben fint a cuant che il fabricât al è in ogni câs doprât, la base imponibile e je dade nome dal valôr de aree.

8. Pai terens agricui, il valôr al è dât dal risultât de multiplicazion dal totâl dal redit dominicâl regjistrât in catastic, in vore al prin di Zenâr dal an di imposizion, par un multiplicadôr correspondent a setantecinc.

9. Cul fin di ridusi al plui la pussibilitât di creâ di contenziôs cui propriis contribuentis, l'Orghin competent al pues determinâ, periodicementri e par zonis omogjenis, nome ai fins de I.C.I., i valôrs venâi in comun cumierç des areis fabricabilis.

No son sotponûts a retifiche i valôrs des areis fabricabilis dulà che la base imponibile sielte dal sogjet passîf no risulde inferiôr a chê determinade secont i valôrs fissâts de Zonte Comunâl cul providiment sore indicât.

I valôrs indicâts intal precedent come 1 a podaran jessi variâts, cuntune deliberazion de Zonte Comunâl di adotâsi prime de date fissade des normis pe deliberazion dal bilanç di prevision e a jentrin in vore dal prin di Zenâr dal an di riferiment, ancje se fats bogns dopo l'inizi dal esercizi.

Si tegni inte dovude considerazion la delibare di Zonte Comunâl n. 286 dai 19.05.1997 e eventûals modificazions seguitivis par riscontrâ i valôrs minimis de aree edificabile ai fins de ICI.

In assence di modificazions si intindin confermâts i valôrs dal an prime.

10. Fint ae date di jentrade in vore des gnovis tarifis di estim lis renditis catasticâls urbanis in vore a son rivalutadis dal 5 %.

11. Fint ae date di jentrade in vore des gnovis tarifis di estim i redits dominicâi a son rivalutâts dal 25 %.

12. Pai imobii di interès storic e artistic sotponûts al vincûl, daûr de Leç n. 1089 dal 1939, la base imponibile e je costituide dal valôr che al risulde aplicant ae rendite catasticâl, determinade midiant la aplicazion de tarife di estim di minôr impuart tra chês proviodudis pes abitazions de zone censuarie dulà che si cjate il fabricât, i multiplicadôrs previodûts dal articol 5, come 2, dal Decret Legjislatîf n. 504 dai 30.12.1992.

Intal câs che chescj imobii a sein censîts in categoriis dal grup C o D, dulà che la consistence e je esprimude in metris cuadris, par aplicâ la sorescite norme agjevolative al è necessari trasformâ la consistence in spazis, doprant il concet di spazi catasticâl medi compagn a metris cuadrâts 18 e dividint la superficie complessive nete pal coeficient dit prime.

Art. 6 **Determinazion de alicuote e de impueste**

1. La alicuote e je stabilide anualmentri dal Comun, cun deliberazion dal Consei Comunâl di adotâ prime de date fissade des normis statâls pe deliberazion dal bilanç di prevision. In câs di mancjade aprovazion prime dal tiermin sorescit, la alicuote si intint prorogade di an in an.

2. La alicuote e scuèn jessi deliberade in misure no inferiôr al 4 par mil, e no superiôr al 7 par mil e e pues jessi diversificade dentri di chest limit, con riferiment ai câs di imobii diviers des abitazions, o possedûts in zonte ae abitazion principâl, o di lozaments no fitâts; la alicuote e pues jessi agjevolade in rapuart aes diviersis tipologjiis dai ents cence fin di vuadagn, intal rispiet dal ecuilibri di Bilanç.

3. La impueste e je determinade aplicant ae base imponibil la alicuote in vore intal Comun.

4. Il Comun al pues deliberâ une alicuote ridote, in ogni câs no inferiôr al 4 par mil, in favôr de persone fisiche, dai sogjets passîfs e dai socis di cooperativis ediliziis a proprietât no divisibile, residents intal Comun, pe unitât imobiliâr diretementi destinade a jessi abitazion principâl, e ancje par chês fitadis cun contrat regjistât a un sogjet che lu utilizi tant che abitazion principâl, a condizion che la rese complessive previodude e sei almancul compagne ae ultime rese anuâl realizade.

5. Lis deliberazions che a rivuardin la determinazion de alicuote de impueste comunâl sui imobii (I.C.I.) a son publicadis par estrat su la "Gazete Uficiâl".

Art. 7 **Esenzions**

1. A son esentâts de impueste:

a) i *imobii* possedûts dal Stât, des Regjons, des Provinciis, e ancje dai Comuns, se diferents di chei indicâts inte ultime part dal come 1 dal art. 4, des Comunitâts Montanis, dai Consorziis tra i Ents sorescits, des Aziendis di Servizis Sanitaris, des istituzions sanitariis publichis autonomis daûr dal art. 41 de Leç dai 23 di Dicembar dal 1978, n. 833, des Cjamaris di Cumierç, Industrie, Artesanât e Agriculture, destinâts esclusivementri ai compits istituzionâi;

b) i *fabricâts* classificâts o classificabii inte categorie catasticâl di E/1 a E/9;

c) i *fabricâts* cun destinazion par ûs culturâi daûr dal art. 5/bis dal Decret dal President de Republiche dai 29 di Setembar dal 1973, n. 601, e modificazions seguitivis;

d) i *fabricâts* destinâts esclusivementri al esercizi di cult, baste che compatibii cu lis disposizions dai articui 8 e 19 de Costituzion, e lis lôr pertinencis;

e) i *fabricâts* di proprietât de Sante Sede indicâts intai articui 13, 14, 15 e 16 dal *Tratât Lateranense* sotscriet ai 11 di Fevrâr dal 1929 e rindût esecutîf cu la Leç dai 27 di Mai dal 1929, n. 810;

f) i *fabricâts* apartignûts ai Stâts forescj e aes organizazions internazionâls che a gjoldin de esenzion de impueste locâl sul redit dai fabricâts su la fonde di acuardis internazionâi rindûts esecutîfs in Italie;

g) i *fabricâts* che, declarâts inagjibii o inabitabii, a son stâts recuperâts cul fin di jessi destinâts aes ativitâts assistenziâls daûr de Leç dai 5 di Fevrâr dal 1992, n. 104, cun limitazion al timp dulà che a son destinâts diretementi al davuelziment des ativitâts soredditis;

h) i *imobii* doprâts dai sogjets daûr dal art. 87 come 1, letare c), dal Test Unic des Impuestis sui Redits, fat bon cul Decret dal President de Republiche dai 22 di Dicembar dal 1986, n. 917, e modificazions seguitivis, che a son destinâts esclusivementi al davuelziment di ativitâts assistenziâls, ativitâts previdenziâls, sanitariis, didatichis, ricetivis, culturâls, ricreativis e sportivis, e ancje di chês ativitâts indicadis intal art. 16, letare a), de Leç dai 20 di Mai dal 1985, n. 222.

La esenzion presint si apliche nome ai fabricâts e nome a condizion che i midiesims, oltri che doprâts, a sein ancje possedûts dal ent no comerciâl che ju dopre.

2. La esenzion e ven fate nome intal timp dal an dulà che a sussistin lis condizions soredditis.

Art. 8

Riduzion e detrazions de impueste

1. La impueste e je ridote dal 50% pai fabricâts declarâts inagjibii o inabitabii e di fat no doprâts, parcè a son in condizion di particolâr degrât, in ogni câs nome intal timp dal an dulà che a sussistin chestis condizions.

La inagjibilitât o la inabilitât a son aciertadis dal Ufici Tecnic Comunâl cun perizie a caric dal proprietari.

Par chest fin a dovaran jessi valutâts il stât di conservazion:

a) des *struturis verticâls*, in particolâr la presince di lesions in parêt di angul, intes fondazions o difondudis, che a puedin costituî menace a robis o personis cun pericol di crol;

b) des *struturis orizontâls*, tant che lis sofitis, i arcs, lis voltis, lis tamponaturis, lis paradanis;

c) de *cuvieridure*, des *scjalis*.

In ogni câs chest stât di degrât strutturâl nol devi jessi superabil cun interventi di manutenzion, nancje straordenarie.

In alternative il contribuent al à la facultât di presentâ declarazion sostitutive daûr de Leç dai 4/1/1968 n. 15, rispjet a ce che al è previodût intal timp precedent.

2. A son considerâts inagjibii o inabitabii i fabricâts che a risultin ogjetivementi e assoludementi inadats pe lôr destinazion di ûs, pes resons di pericol ae integritât fisiche o ae salût des personis.

No puedin considerâsi inagjibii o inabitabii i imobii che no son doprâts par cause di lavôrs di cualseisei gjenar direts ae conservazion, al inmodernament o al miorament dai edificis.

La riduzion de impueste inte misure dal 50% si apliche de date di presentazion de domande di perizie al Ufici Tecnic Comunâl o pûr de date di presentazion al Comun de declarazion sostitutive che e certifiche il stât di inagjibilitât o di inabitabilitât.

La perizie dade fûr dal Ufici Tecnic Comunâl o, in alternative, la declarazion sostitutive (daûr de Leç dai 4.1.1993, n. 15), a scuegnin jessi zontadis ae declarazion previodude dal art. 10 dal regolament presint, pene la escluson dal drit ae riduzion.

La eliminazion de cause ostative al ûs dai locâi e ven fate cognossi al Comun cu la comunicazion o cu la declarazion previodudis dal articol 10 dal regolament presint.

3. La alicuote e pues jessi stabilide dal Comun inte misure dal cuatri par mil, par un timp in ogni câs no superiôr ai trê agns, relativementri ai fabricâts realizâts pe vendite e no vendûts des impresis che a àn par ogjet esclusîf o prevalent de ativitât la costruzion e la alienazion di imobii.

4. De impueste dovude pe unitât imobiliâr destinade a jessi abitazion principâl dal sogjet passîf, vâl a dî, salve prove contrarie, chê di residence anagrafiche, si detrain, fint a concorence dal so impuart, Euros 103,29 rapuartâts al timp dal an dulà che si puarte indenant cheste destinazion; se la unitât imobiliâr e je destinade a jessi abitazion principâl di plui sogjets passîfs, la detrazion e tocje a ognidun di lôr in proporzion ae cuote che si verifiche inte destinazion midiesime.

La detrazion pe abitazion principâl e ven cressude a Euros 170,00 pai proprietaris che a àn une disabilitât grave, stabilizade o progressive, tant che al è stât definît intal come 3 dal art. 3 de Leç 104 dai 05.02.1992. Chest al vâl ancje pes fameis dulà che al è presint e resident un sogjet che al à une disabilitât grave, definide tant che sore.

Par abitazion principâl si intint chê dulà che il contribuent, che al è paron de cjase a titul di proprietât, usufrut o altri dirit reâl, e i siei familiârs a vivin par solit.

A fasin part de abitazion principâl lis sôs pertignincis, ancje se iscritis distintementri in catastic.

5. Cu la deliberazion, daûr dal come 1 dal art. 6, l'impuart di Euros 103,29, che al è stabilît dal come 4 dal articol presint, al pues jessi elevât, fint a Euros 258,22, intal rispiet dal ecuilibri di bilanç, intai câs seguitîfs:

A - *sogjets* titolârs di redits relatîfs al an precedent rispiet a chel che la domande si riferîs, di cualsisei nature, di impuart compagn o inferiôr a some di Euros 6.500,00.=, se a fasin part di fameis monoreddit o, cun redits no superiôrs a Euros 11.000,00.=, se a fasin part di fameis plurireddit. E ven ametût un increment dal 10% dal redit par ducj i components de famee cence redit.

B - dai *disocupâts*, di almancul 6 mês, madurîts intal moment de scjadince dal paiament de impueste, che a fasin part di fameis monoreddit e cuntun redit di impuart compagn o inferiôr al impuart indicât intal pont A precedent.

C - intai câs indicâts intai ponts A e B precedents, l'impuart totâl de impueste no devi superâ la sume di Euro 370,00.=.

Intai câs citâts no si ten cont dal redit prodot de stesse abitazion.

6. Il status di "abitazion principâl" al ven ricognossût ancje intai câs seguitîfs e cu la limitazion specifiche proviodude pai câs indicâts intal pont 4:

- unitâts imobiliârs, che a son proprietât des cooperativis ediliziis a proprietât no divisibile, destinadis a jessi abitazion principâl dai socis assegnataris;
- lozaments regolarmentri assegnâts dai Istitûts Autonomis pes Cjasis Popolârs;
- abitazions di proprietât o usufrut di personis anzianis o disabili che a cjapin la residence li des cjasis di ricovar o di cure o pûr li dai lôr parints, baste che la abitazion e resti no doprade (duncje ni fitade, ni dade in comodât, ni a cualsisei altri titul);
- abitazions dadis cence vuadagn a parints in linie drete o colaterâl prime dal secont grât, al coniugât, ancje se separât o divorziât e di lôr dopradis tant che abitazions principâls, cun limitazion nome al valôr de alicuote de impueste, cun esclusion di cualsisei detrazion.

Art. 9

Terens puartâts indenant diretementri

1. I terens agricui, che a son proprietât di coltivadôrs direts o dai imprenditôrs agricui che a àn la coltivazion tant che lôr ativitât principâl, baste che a sein puartâts indenant dai midiesims, a son sogjets ae impueste nome pe part di valôr che e va parsore ai 50 milions di liris (parelis a Euros 25.822,44) e cun lis riduzions seguitivis:

- a) dal *70% de impueste* che e cjame su la part di valôr che e je in plui rispjet ai 50 milions di liris soredits (parelis a Euros 25.822,44) e fint ai 120 milions di liris (parelis a Euros 61.974,82);
- b) dal *50% di chê* che e cjame su la part di valôr che e je in plui rispjet ai 120 milions di liris (parelis a Euros 61.974,82) e fint ai 200 milions di liris (parelis a Euros 103.291,37);
- c) dal *25% di chê* che e cjame su la part di valôr che e je in plui rispjet ai 200 milions di liris (parelis a Euros 103.291,37) e fint ai 250 milions di liris (parelis a Euros 129.114,22).

2. Daûr dal come 1 dal articul presint si considere il valôr complessîf dai terens puartâts indenant dal sogjet passîf, ancje se a si cjatin intal teritori di plui Comuns; l'impuart de detrazion e chei dulà che si aplichin lis riduzions, indicâts intal stes come 1, a son dividûts in proporzion ai valôrs dai singui terens e a son rapuartâts ai sogjets e al timp dal an cuant che a sussistin lis cundizions prescritis e aes cuotis di possès. Al reste fer ce che al e stât dit intal prin periodi dal come 1 dal articul 4 dal presint regolament.

3. Si considerin coltivadôrs direts o imprenditôrs agricui a titul principâl lis personis fisichis iscritis intes listis comunâls previodudis a pueste dal art. 11 de Leç dai 9 di Zenâr dal 1963, n. 9 e sogjetis al oblic corispondent de assicurazion par invaliditât, veglece e malatie; la scancelazion des listis soredits e à efiet dal prin di Zenâr dal an seguitîf.

Art. 10

Versaments e declarazions

1. La impueste e je dovude dai sogjets indicâts intal art. 3 dal regolament presint pai agns in proporzion ae cuote e ai mêis dal an dulà che si è protrat il possès; a chest fin il mêis dulà che il possès si è protrat par almancul cuindis dîs al è considerât par intîr.

Il paiament de impueste al scuén jessi fat cuntun staronzament al euro se la frazion e je compagne o inferiôr ai 49 centesims, o ben cuntun tarondament se la frazion e je superiôr al impuart soredit.

A ognidun dai agns e corispuint une autonome obligazion tributarie, ma il contribuent che si cjate a credit par cause di versaments fats in ecès intai agns precedents al pues, in grazie de autorizazion dal Uffici competent e dentri dai tiermins indicâts intal art. 14 come 1, proviodi ae compensazion cu la impueste dovude intai agns seguitîfs.

2. I sogjets indicâts intal articul 3 dal regolament presint a scuègnin fâ il versament de impueste complessivemntri dovude al Comun pal an corint in dôs ratis: la prime rate e scuén jessi viersade, dentri dai 16 di Zugn, pal valôr dal 50% de impueste dovude, calcolade su la fonde de alicuote e des detrazions dai dodis mêis dal an precedent; la seconde rate e scuén jessi viersade dentri dai 16 di Dicembar a salt de impueste dovude pal an intîr, cun eventuâl difference su la prime rate versade.

Si considerin regolarmentri eseguiti i versaments fats di un contitolâr ancje par cont dai altris, baste che al sei individuât l'immobil che al è riferît ai versaments e che a sein precisâts i nominatîfs dai altris contitolârs.

3. La impueste dovude daûr dal come 2 dal articul presint e scuén jessi corispindude midiant:

- versament diret al concessionari de riscossion dai tribûts;
- cont corint postâl intestât ae Tesorarie dal Comun;
- diretemetri li de stesse Tesorarie par mieç dal Model F24,
- a mieç dal sisteme bancjari.

4. I versaments no scuegnin jessi eseguîts cuant che l'impuart al risulde inferiôr a Euros 2,58.

4-bis. Cun delibare de Zonte Comunâl i tiermins ordenaris di versament de Impueste a puedin jessi suspendûts e/o diferîts par ducj o par categoriis di sogjets passîfs interessâts di:

- a) grâfs *calamitâts naturâls*;
- b) situazions particolârs di *disasi economic* no dependents de volontât dal sogjet passîf, che a son individuadis inte stesse delibare; i citadins interessâts a dovaran presentâ une istance specifiche e motivade di diferiment dal paiament, in cjarte libare, al Ufici Tribûts, almancul trente dîs prime de scjadince dal paiament de rate di acout e/o di salt de Impueste. L'Ufici soreddit, sintude la Zonte Comunâl, al comuniche ai stes citadins la concession eventûal o il dinei dal benefici dentri dai vincj dîs seguitîfs ae istance.

5. I sogjets passîfs a scuegnin declarâ i imobii possedûts intal teritori dal Stât, cun escluson di chei che a son esentâts de impueste daûr dal articul 7 dal regolament presint, suntun modul specific, dentri dal tiermin di presentazion de denuncie dai redits relative al an dulà che il possès al à vût inizi.

La declarazion e à efiet ancje pai agns seguitîfs, simpri che no si verificchin modificazions dai dâts e dai elements declarâts che a implichin un impuart diviers de impueste dovude; in chest câs il sogjet interessât al è tignût a denunciâ al Ufici Tribûts dal Comun, intes formis che a son previodudis dal regolament presint, lis modificazions intervignudis, dentri dal tiermin di presentazion de denuncie dai redits relative al an dulà che lis modificazions si son verificadis.

Intal câs di plui sogjets passîfs tignûts al paiament de impueste suntun stes immobil e pues jessi presentade une sole declarazion; pai imobii indicâts intal art. 1117, n. 2) dal c.c. ogjet di proprietât comun, che a puedin vê assegnade o assegnabil une autonome rendite catasticâl, la declarazion e scuèn jessi presentade dal aministradôr dal condomini par cont dai condomini.

L'oblic de declarazion nol sussist intal câs che i sogjets passîfs a sein proprietari di imobii che a àn i ats relatîfs ae lôr trascrizion, ae lôr iscrizion e notazion intai registris imobiliârs, e ancje ae lôr vulture catasticâl, riscuintrabii par vie di proceduris telematichis. Cheste esonerazion dal oblic de declarazion no à in ogni câs valôr fint ae date di operativitât efetive dal sisteme di circolazion e di fruizion dai dâts catasticâi, di aciertâ con proviodiment dal Diretôr de Agenzie dal Teritori.

6. Lis declarazions a scuegnin jessi scritis e i versaments eseguîts sui modei fats bogns dai Ministeris competents.

7. In sostituzion ae declarazion il contribuent al pues produci une comunicazion, dentri dai novante dîs dal event che al acuisis, al modifichis o al conclût la sogjetivitât passive, cun nome la individuazion de unitât imobiliâr interessade.

Se cheste comunicazion e je sotscriete di dutis lis parts dal rapuart e vâl tant che declarazion sei di acuisizion che di cessazion de sogjetivitât passive.

Cheste comunicazion e scuèn vê ducj i elements che a son previodûts intai modei di declarazion.

La comunicazion e pues jessi scrite su modui specifics predisponûts dal Comun e dal midiesim metûts a disposizion dai contribuentis li dai uficis comunâi.

8. Pai imobii comprendûts intal faliment o inte licuidazion sfuarçade aministrative il curadôr o il comissari licuidadôr, dentri dai novante dîs de date de lôr nomine, a scuegnin presentâ al comun di ubicazion dai imobii une declarazion che e ateste l'inviament de procedure.

Chescj sogjets a son, cun di plui, tignûts al versament de impueste dovude pal timp di durade di dute la procedure concursuâl, dentri dal tiermin di trê mêse de date dal decret di trasferiment dai imobii.

Art. 11 **Controi e aciertaments**

1. Il Comun, dentri dal tiermin di decjadence dai 31 di Dicembar dal cuint an seguitîf a chel dulà che la declarazion o il versament a son stâts o a varessin dovût jessi fats, al notifiche al contribuent, ancje par mieç de pueste midiant racomandade cun avîs di riceviment, la avertence motivade di aciertament par cause di versament no fat, parziâl o tardîf, cu la licuidazion de impueste o de maiôr impueste dovude, des sanzions e dai interès.

Lis avertencis di aciertament in retifiche e di ufici a scuegnin jessi motivadis in relazion ai supuescj di fat e aes resons juridichis che ju àn determinâts; se la motivazion e fâs riferiment a un altri at no cognossût e nancje ricevût dal contribuent, chest al devi jessi zontât al at che lu riclame, gjavant che chest ultin nol riprodusi il contignût essenziâl. I avîs a scuegnin contignû, cun di plui, la indicazion dal ufici li che al è pussibil vê informazions completis par ce che al tocje l'at notificât, dal responsabil dal procediment, dal orghin o de autoritât aministrative li che al è pussibil promovî un gnûf exam ancje par ce che al tocje l'at in sede di autotutele, des modalitâts, dal tiermin e dal orghin jurisdictionâl li che al è pussibil ricori, e ancje il tiermin di sessante dîs par fâ il paiament relatîf. I avîs a son sotscrits dal funzionari designât dal ent locâl pe gjestion dal tribût.

2. Cul fin dal esercizi de ativitât di aciertament il Comun al pues invidâ i contribuentis, indicant il parcè, a esibî o a trasmeti ats e documents; inviâ ai contribuentis cuestionaris relatîfs a dâts e a notiziis di caratar specific, cun invît a restituîju compilâts e firmâts; domandâ dâts, notiziis e elements rilevants intai confronts dai singui contribuentis ai uficis publics competents, cun esenzion di spese e dirits.

3. Il Comun, pe proprie azion di imposizion, si avâl dal istitût di aciertament cun adesion dal contribuent, su la fonde dai criteris stabilîts dal Decret Legjlatîf dai 19 di Zugn dal 1997, n. 218.

4. Competent ae definizion dal aciertament cun adesion dal contribuent al è il funzionari responsabil daûr dal art. 11, come 4, dal Decret Legjlatîf dai 30 di Dicembar dal 1992, n. 504.

5. L'aciertament, che al è definît cun adesion, nol è sogjet a impugnazion, nol è integrabil o modificabil di bande dal ufici.

6. Intal câs dal inviament di un procediment pal aciertament cun adesion, il responsabil dal Ufici Tribûts, prime di començâ la notifiche di cualsisei aciertament, al mande ai sogjets obleâts un invît a comparî, dulà che a son indicâts:

a) i *elements identificatîfs* dal at, de denuncie o de declarazion, che si riferissin al aciertament che al pues vê une adesion, e ancje i tims di impueste, daûr dal art. 5 dal Decret Legjlatîf, n. 218 dal 1997;

b) la zornade, la ore e il lûc de *comparizion* par definî, eventualmentri, l'aciertament cun adesion.

Passâts i tiermins di comparizion indicâts intal come precedent, il responsabil dal servizi al disponarà, prime di rivâ ai trente dîs seguitîfs, la notificazion dal at di aciertament.

Il contribuent, dopo vê ricevût la notifiche dal at di aciertament, al pues formulâ, in cjarte libare, istance di aciertament cun adesion, baste che cheste e sei presentade prime de scjadince dai tiermins pe impugnazion dal at denant la Comission Tributarie Provinciâl.

La presentazion de istance indicade intal come precedent, ancje di bande di nome un obleât, e impliche la suspension, par ducj chei che a son obleâts, dai tiermins pe impugnazion e di chei pe riscossion des impuestis in pendance di judizi, par un timp di novante dîs.

La impugnazion dal at di bande dal sogjet che al vebi domandât l'aciertament cun adesion e impliche la rinuncie ae istance.

Prime de fin dai cuindis dîs de ricezion de istance, l'Ufici Tribûts al formule al contribuent, ancje cuntune telefonade, l'invît a comparî.

L'aciertament cun adesion dal contribuent, daûr dai comis precedents, al pues jessi definît e perfezionât ancje di un nome dai obleâts, baste che al sei delegât, e chest al à efiet par ducj i bens che si podin riferî a ogni at, denuncie o declarazion, che e vebi formât ogjet di imposizion.

A son esclududis lis adesions parziâls che a rivuardin i singui bens contignûts intal stes at o inte stesse declarazion.

L'aciertament cun adesion al è fat cuntun at scrit in dople copie, sotscriete dal contribuent e dal responsabil dal servizi o di un so delegât.

Intal at a sono indicâts, in maniere separate par ogni ben, i elements e lis motivazions che a son fonde pe definizion, e ancje la licuidazion des impuestis plui grandis, des sanzions e des sumis eventualmentri dovudis, ancje in forme rateâl.

La sanzion, di calculâ sul totâl de impueste plui grande, e je ridusude a un quart dal dovût.

Il versament de sume dovude par efiet dal aciertament con adesion e je eseguide dentri dai vincj dîs seguitîfs ae redazion dal at midiesim e cu lis modalitâts indicadis intal come 3 dal art. 10 dal regolament presint.

Lis sumis dovudis a puedin jessi paiadis, su domande dal contribuent, ancje ratealmentri, intun numar massim di vot ratis trimestrâls dal stes impuart.

L'impuart de prime rate al è paiât dentri dal tiermin dai vincj dîs seguitîfs ae date di redazion dal aciertament cun adesion, mintri sul impuart des ratis seguitivis a sono dovûts i interès al saç legâl, che a vegnin calculâts de date di perfezionament dal at di adesion, e pal versament di chestis sumis il contribuent al è tignût a prestâ garanzie cu lis modalitâts indicadis dal art. 38 bis dal Decret dal President de Republiche dai 26.10.1972, n. 633, pal timp di rateazion di dit impuart, aumentât di un an.

Dentri des dîs zornadis seguitivis al versament di dut l'impuart o di chel de prime rate, il contribuent al scuén fâ rivâ al Ufici la cuietance dal paiament avignût e la documentazion relative ae prestazion de garanzie.

L'Ufici al consegne al contribuent copie dal at di aciertament cun adesion.

7. La Zonte Comunâl, intal câs che lu ritegni necessari, e pues proponi azions di control intal cjamp de ICI.

Art. 12 **Funzionari responsabil**

1. Cun delibare de Zonte Comunâl al è designât un funzionari che al ricêf lis funziions e i podês pal exercizi di ogni ativitât organizative e gjestionâl de impueste; il funzionari soredit al sotscrif ancje lis domandis, i avîs e i proviodiments, al met il vistât di esecutivitât su lis matriculis e al dispon i rimbors.

Art. 13 **Riscossion coative**

1. Lis sumis licuidadis dal Comun par impueste, sanzions e interès, se non versade, cu lis modalitâts indicadis dal come 3 dal articul 10, dentri dal tiermin dai sessante dîs de notificazion dal avîs di aciertament, a son scuèdudis, gjavât che e sei stât emetût proviodiment di suspension,

coativamente midiant matriculis secont lis disposiziuns indicadis intal Decret dal President de Republiche dai 28 di Zenâr dal 1988, n. 43, e modificaziuns seguitivis; la matricule e devi jessi formade e rindude esecutive no dopo i 31 di Dicembar dal tierç an seguitîf a chel cuant che l'avîs di aciertament al è stât notificât al contribuent o ben, in câs di suspension de riscossion, non dopo i 31 di Dicembar dal an seguitîf a chel di scjadince dal timp di suspension.

Art. 14 **Rimbors**

1. Il rimbors des sumis versadis e no dovudis al scuén jessi demandât dal contribuent prime dal tiermin dai cinc agns de zornade dal versament, o ben di chel dulà che al è stât aciertât il dirit ae restituzion. L'ent locâl al proviôt a fâ il rimbors dentri dai cent e otante dîs de date di presentazion de istance.

Su lis sumis dovudis al contribuent a tocjin i interès inte misure indicade intal come 6 dal articul 15. Pes areis diventadis no edificabilis il rimbors al tocje, limitadementri ae impueste paiade, aumentade dai interès inte misure legâl, pal timp che al tache dal ultin acüst par at tra vîfs de aree e, in ogni câs, par un timp no superiôr ai cinc agns a cundizion che il vincul al duri par almancul trê agns, fer restant la date di avignude esecutivitât des deliberaziuns di variant ai struments urbanistics; in chest câs la domande di rimbors e scuén jessi presentade prime dal tiermin di trê agns de date dulà che lis areis a son stadis metudis sot al vincul di no edificabilitât.

2. Lis sumis licuidadis dal Comun, daûr dal come 1 dal articul presint, su domande dal contribuent di inviâ al Comun midiesim dentri dai sessante dîs de notificazion dal providiment di rimbors, a puedin jessi compensadis cui impuarts dovûts a titul di impueste comunâl sui imobii.

3. No si fâs lûc a rimbors cuant che l'impuart nol risulte superiôr a Euros 2,58.=.

Art. 15 **Sanzions e interès**

1. Intai câs di presentazion ometude o tardive de declarazion o de denuncie, ancje di variazion, daûr dal articul 10 dal Decret Legjislatîf dai 30 di Dicembar dal 1992, n. 504, si apliche une sanzion aministrative che e va dal 100% al 200% de impueste dovude, cuntun minim di Euros 51,64, dulà che a ricorin lis circostancis seguitivis e cu lis misuris daurman indicadis:

- a) si apliche la *sanzion dal 100%* de impueste dovude se il so totâl al supere la sume di Euros 51,64 o se la presentazion de declarazion o de denuncie e ven fate dentri dai trente dîs seguitîfs ae scjadince;
- b) si apliche la *sanzion dal 150%* de impueste dovude se il so totâl al supere la sume di Euros 154,93 o se la presentazion de declarazion o de denuncie e ven fate dentri dai 31 di Dicembar dal an di scjadince;
- c) si apliche la *sanzion dal 200%* de impueste dovude se il so totâl al supere la sume di Euros 258,22 o se la presentazion de declarazion o de denuncie e ven fate dopo i 31 di Dicembar dal an di scjadince.

2. Se la declarazion o la denuncie a son infedêls si apliche une sanzion aministrative, che e va dal 50% al 100% de maiôr impueste dovude, cuntun minim di Euros 51,64.=, dulà che a ricorin lis circostancis seguitivis e cu lis misuris daurman indicadis:

- a) si apliche la *sanzion dal 50%* de impueste dovude se il so totâl al supere la sume di Euros 51,64.=;
- b) si apliche la *sanzion dal 75%* de impueste dovude se il so totâl al supere la sume di Euros 154,93.=;

c) si apliche *la sanzion dal 100%* de impueste dovude se il so totâl al supere la sume di Euros 258,22.=.

3. Si considerin erôrs e omissions che no incidin su la determinazion de impueste, l'erôr e la omission che a rivuardin:

a) *la indicazion dal codiç fiscâl* dal contribuent, di chel che al denuncie se al è une altre persone rispjet al contribuent, dai contitolârs in câs di declarazion fate adun;

b) *la indicazion dai dâts* relatîfs al contribuent, a chel che al denuncie se al è une altre persone rispjet al contribuent;

c) *la sottoscrizion de declarazion o de denuncie*.

Intai câs dulà che la denuncie, ancje di variazion, e presenti erôrs o omissions, che a rivuardin i elements no influents su la determinazion de tasse, tant che elencâts parsore, si apliche la sanzion amministrative di Euros 51,64.=;

d) si apliche la *sanzion di Euros 77,46* se la violazion e consist inte mancjade esibizion o trasmission di ats e documents che a provin la sussistence dai requisîts che a consintin une riduzion de impueste;

e) si apliche la *sanzion di Euros 77,46* se la violazion e consist inte mancjade esibizion di ats e documents che a provin la apartignince dal sogjet ae categorie dai coltivadôrs direts o dai imprenditôrs agricui.

La sanzion amministrative e je aplicade inte misure di Euros 103,29.= intal câs che la declarazion, ancje di variazion, e presenti erôrs o omissions che a rivuardin l'indicazion dai dâts relatîfs ae identificazion dai imobii declarâts o denunciâts.

3.1. Pe mancjade restituzion di cuistionaris intai sessante dîs de domande o pe lôr compilazion mancjade o compilazion incomplete o infedêl, la sanzion e pues jessi aplicade par un impuart superiôr a Euros 51,64 e fint a Euros 258,22, dulà che a ricoraran lis circostancis seguitivis e cu lis misuris daurman indicadis:

a) si apliche la *sanzion di Euros 103,29* pe restituzion mancjade o pe compilazion mancjade dai cuistionaris relatîfs ai imobii destinâts a jessi abitazion principâl;

b) si apliche la *sanzion di Euros 103,29* pe restituzion mancjade o pe compilazion mancjade dai cuistionaris relatîfs ai imobii che a son diviers di quei destinâts a jessi abitazion principâl;

c) si apliche la *sanzion di Euros 103,29* pe restituzion mancjade o pe compilazion mancjade dai cuistionaris relatîfs ai terens agricui;

d) si apliche la *sanzion di Euros 51,64* pe compilazion incomplete o pe compilazion infedêl dai cuistionaris relatîfs ai imobii destinâts a jessi abitazion principâl;

e) si apliche la *sanzion di Euros 51,64* pe compilazion incomplete o pe compilazion infedêl di cuistionaris relatîfs ai imobii che a son diviers di quei destinâts a jessi abitazion principâl;

f) si apliche la *sanzion di Euros 51,64* pe compilazion incomplete o pe compilazion infedêl di cuistionaris relatîfs ai terens agricui.

4. Lis sanzions indicadis intai comis 1 e 2 dal articulo presint a son ridotis a un quart se, dentri dal tiermin par ricori aes comissions tributariis, e interven la adesion dal contribuent cul paiament dal tribût, se al è dovût, e de sanzion.

Lis sanzions indicadis intai comis 1 e 2 a puedin jessi ridotis fint a un quart quant che chest al è justificât de condote dal agent, de opare che lui al à davuelzût par eliminâ o moderâ lis consequencis de violazion, e ancje de sô personalitât e des condizions economicis e sociâls, simpri considerant i minimis previodûts de Leç;

a) se si verificin ecezionâls circostancis che a rindin clare la sproporzion tra l'impuart dal tribût, che al è riferît a violazion, e la sanzion, cheste e pues jessi ridote: al 50% dal minim se la entitât de sanzion e je superiôr al 100% dal tribût.

5. La contestazion de violazion no colegade al impuart dal tribût e scuën jessi presentade, a pene di decadence, dentri dai 31 di Dicembar dal cuint an seguitîf a chel dulà che e je stade fate la violazion.

6. La misure anuâl dai interès e je determinade in misure compagne al tas di interès legâl. I interès a son calculâts cun maturazion di par di cun scjadence de zornade cuant che a sono diventâts esigibii. I interès inte stesse misure a tocjin al contribuent pes sumis a lui dovudis a decori de date dal versament eseguît.

7. Pal paiament ometût de impueste o des ratis singulis di cheste si apliche la sanzion amministrative dal 30% dal impuart no versât.

8. Lis sanzions previodudis intal articulo presint no si aplichin cuant che i versaments a vegnin daurman eseguîts al Uffici o al Concessionari diviers di chel competent.

9. Intai câs dulà che i documents doprât pai versaments de impueste no vebin i elements necessaris pe identificazion dal sogjet che ju eseguîs e pe imputazion de sume versade, si apliche une sanzion amministrative di Euros 103,29 a Euros 516,45.

a) Se i documents doprâts pal versament de impueste no àn i elements necessaris pe *identificazion dal sogjet* che ju eseguîs, si apliche la sanzion amministrative di Euros 206,58.

b) Se i documents doprâts pal versament de impueste no àn i elements necessaris pe *imputazion de sume versade*, si apliche la sanzion amministrative di Euros 258,22.

Art. 16 Contenziôs

1. Cuintri l'avîs di licuidazion, l'avîs di aciertament, il proviodiment che al da lis sanzions, la matricule e il proviodiment che al mande indaûr la istance di rimbors al pues jessi proponût un ricors secont lis disposizions contignudis intal Decret Legjislatîf dai 31 di Dicembar dal 1992, n. 546 e modificazions seguitivis.

Art. 17 Indenitât di dispropriazion

1. In câs di dispropriazion di aree fabricabil la indenitât e je ridote a un impuart compagn al valôr indicât inte ultime declarazion o denuncie presentade dal dispropriât cul fin de aplicazion de impueste, intal câs che il valôr declarât al risulti inferiôr ae indenitât di dispropriazion determinade secont i criteris stabilîts des normis in vore.

2. In câs di dispropriazion par publiche utilitât, in plui de indenitât, al è dovût un aument eventuâl compagn ae diference tra l'impuart de impueste paiade, dal dispropriât o di cui che al da sô cause, pal stes ben intai ultins cinc agns e chel che al risulte dal calcul de impueste fat su la fonde de indenitât.

L'aument, in union cui interès legâi calculâts sul midiesim, al è a caric di cui che al disproprie.

Art. 18 Emende

1. Se la violazion no è stade ancjemò contestade e in ogni câs no son ancjemò començâts acès, ispezions, verifichis, spedizions di cuestionaris, o altris ativitâts amministrativis di aciertament che l'autôr o i sogjets solidarmentri obleâts a vebin vût formâl cognossince, la sanzion e je ridote:

- a) a un *otâf dal minim*, intai câs di paiament mancjât dal tribût o di un acont, se chest al ven eseguît intal tiermin dai trente dîs de date dulà che je stade violade la leç;
- b) a un *sest dal minim*, se la regolarizazion dai erôrs e des omissions, ancje se a incidin su la determinazion e sul paiament dal tribût, e ven fate prime dal tiermin pe presentazion de declarazion relative al an dulà che e je stade cometude la violazion, o ben, cuant che no è stade previodude declarazion periodiche, dentri di un an de omission o dal erôr;
- c) a un *otâf dal minim* de sanzion previodude pe omission de presentazion de declarazion, se cheste ultime e ven presentade cuntun ritart no superiôr ai trente dîs.

2. Il paiament de sanzion ridote al scuén jessi eseguît intal stes timp de regolarizazion dal paiament dal tribût o de difference, cuant che a son dovûts, e ancje al paiament dai interès di intart calculâts al tas legâl cun maturazion di par di.

3. Se no vegnin rispietadis lis cundizions indicadis intal come 2, il sogjet al decjât dal benefici de riduzion de sanzion. La stesse robe e sucêt cuant che il sogjet nol paie lis sumis dovudis intal lôr impuart esat o al fâs il paiament dopo i tiermins stabilîts. In chest câs il funzionari responsabil al promulge un at specific di aciertament e/o multe, cul fin di recuperâ i impuarts ancjemò dovûts.

4. Cuant che la licuidazion e scuén jessi eseguide dal Comun, la emende si perfeziona cu la esecuzion dai paiaments intal tiermin dai sessante dîs de notificazion dal avîs di licuidazion.

5. Intai câs di omission o di erôr che no ostacolin une ativitât di aciertament in cors e che no incidin su la determinazion e sul paiament dal tribût, la emende no esclût la aplicazion de sanzion se la regolarizazion e ven fate prime de fin dai trê mêis seguitîfs ae omission o al erôr.

Art. 19

Disposizioni transitorie e finali

1. La aplicazion dal articulo 16 dal regolament presint e tache dal 1.4.98. Fint a cheste date al cjate aplicazion l'articulo 14 dal Decret Legislatîf n. 504 dal 1992.

2. La Zonta Comunâl e pues atribuî ricompensis che a premiin il lavôr dal personâl assegnât al uffici tribûts.

3. No operin, pai agns dulà che il Regolament al è in vore, lis disposizioni daûr dai articoli 10, comis 4 e 5, prin timp, 11, comis 1 e 2, 14, come 2, e 16, come 1, dal Decret Legislatîf dai 30 di Dicembar dal 1992, n. 504.

Art. 20

Jentrate in vore

1. Il regolament presint al jentre in vore de date de sô aprovazion e al prodûs i siei efets dal timp di impueste 1999.

TABELE

<i>Art. 1 – Supuest de impueste</i>	<i>pag. 2</i>
<i>Art. 2 – Definizion di fabricâts e areis</i>	<i>pag. 2</i>
<i>Art. 3 – Sogjets passîfs</i>	<i>pag. 2</i>
<i>Art. 4 – Sogjet atîf</i>	<i>pag. 3</i>
<i>Art. 5 – Base imponibile</i>	<i>pag. 3</i>
<i>Art. 6 – Determinazion de alicuote e de impueste</i>	<i>pag. 5</i>
<i>Art. 7 – Esenzions</i>	<i>pag. 5</i>
<i>Art. 8 – Riduzion e detrazions de impueste</i>	<i>pag. 6</i>
<i>Art. 9 – Terens puartâts indenant diretamentri</i>	<i>pag. 8</i>
<i>Art. 10 – Versaments e declarazions</i>	<i>pag. 8</i>
<i>Art. 11 – Controi e aciertaments</i>	<i>pag. 10</i>
<i>Art. 12 – Funzionari responsabil</i>	<i>pag. 11</i>
<i>Art. 13 – Riscossion coative</i>	<i>pag. 11</i>
<i>Art. 14 – Rimbors</i>	<i>pag. 12</i>
<i>Art. 15 – Sanzions e interès</i>	<i>pag. 12</i>
<i>Art. 16 – Contenziôs</i>	<i>pag. 14</i>
<i>Art. 17 – Indenitât di dispropriazion</i>	<i>pag. 14</i>
<i>Art. 18 – Emende</i>	<i>pag. 14</i>
<i>Art. 19 – Disposizions transitoriis e finâls</i>	<i>pag. 15</i>
<i>Art. 20 – Jentrade in vore</i>	<i>pag. 15</i>